

## Morning Regional Dogri News Bulletin, 16 August. 2025

मार्निंग डोगरी न्यूज़ बुलेटिन,

समा. 09.20 Hrs

<><><><><><>

### Headlines

- मुखमंत्री उमर अब्दुल्ला होंरें किशतवाड़ा पुजियै मुकामी लोकें कन्नै मलाटी कीती। प्रधानमंत्री नरेन्द्र मोदी होंरें हर चाली दे समर्थन दा दिता आश्वासन।
- उप-मुखमंत्री Surinder चौधरी होंरें GMC जम्मू जाइयै किशतवाड़ बदल फटने दे पीढ़ितें कन्नै कीती मलाटी। उनें गलाया जे इस दुख गी, गिनतरी च ब्यान नई कीता जाई सकदा।
- यातायात मंत्री Satish Sharma होंरें GMC जम्मू ते किशतवाड़ पीढ़ितें दे घरै दा दौरा लाया।
- जल शक्ति मंत्री जावेद राणा होंरें दूर-दराज इलाकें दे समग्र ते टिकाऊ विकास दी प्राथमिकता उप्पर जोर पाया।
- ते मुखसचिव अटल डुल्लु होंरें जम्मू-कश्मीर दे G.I टैग आहले उत्पादें दे विकास लेई एक व्यापक योजना बनाने दे महत्व उप्पर जोरा पाया।

<><><><><><>

### CM- Chashoti Cloudburst

मुखमंत्री उमर अब्दुल्ला होंरें कल किशतवाड़ जाइयै चशौती च बददल फटने करी प्रभावित मुकामी लोकें कन्नै मलाटी कीती। इस हादसे च तकरीबन 60 लोकें अपनी जान मुहाई दिती ऐ ते 100 कोला मते लोक जखमी होई गे न। आकाशवाणी दे जम्मू संवाददाता नै जानकारी दिती ऐ जे मुखमंत्री होंरें उत्थें होए दे नुकसान दा आकलन कीता ते जमीनी स्तह पर हालाता दा

जायजा लैता। मेद बुज्झी जा रदी ऐ जे अज्ज मुखमंत्री होर हादसे आली थाहर जाइयै आंपू बचाह अभियाने दी समीक्षा करगंन ते लोड़ पौने पर होरनी स्हूलतें दी उपलब्धता यकीनी करने लेई निर्देश बी देगंन। तुंआई प्रधानमंत्री नरेन्द्र मोदी होरें उपराज्यपाल मनोज सिन्हा ते मुखमंत्री उमर अब्दुल्ला हुन्दे नै गल्लबात करियै हालाता दा जायजा लैता ते केन्द्र आसेया पूरी-पूरी मदाद देने दा भरोसा बी दिता। प्रधानमंत्री होरें हालात दा जायजा लैन्दे होई बचा कम्में गी होर तेज करने पर जोर बी दिता।

<><><><><><>

### **Dy CM –GMC Visit (Byte)**

मुखमंत्री सुरिन्दर चौधरी होरें कल सरकारी मैडिकल कालेज ते अस्पताल जम्मू दा दौरा लाया ते किश्तवाड़ च बददल फटने करी प्रभावत लोकें कन्नै मलाटी कीती। दौरे दौरान उपमुखमंत्री होरें प्रभावितें दी ढौल पुच्छी ते उनेंगी दिती जा रदी मैडिकल स्हूलतें दा जायजा लैता। उनें प्रभावितें गी यकीन दोआया जे सरकार उन्दे कन्नै खड़ोती दी ऐ ते उन्दे तौले नरोए होने लेई उनेंगी हर मुमकिन मदाद उपलब्ध करोआई जाग। दौरे मगरा उपमुखमंत्री होरें मीडिया कन्नै गल्ल करदे होई आक्खेया जे इस दुख गी गिनतरी च ब्यान नैई कीता जाई सकदा। उनें आक्खेया.....(बाईट)

<><><><><><>

## Satish –GMC Visit (Byte)

तुंआई सिङ्क यातायात मंत्री सतीश शर्मा होरें बी कल GMC जम्मू दा दौरा लाइयै बददल फटने कन्नै प्रभावित लोकें दी ढौल पुच्छी। दौरै दौरान मंत्री होरें जखिमयें कन्नै गल्लबात कीती ते उन्दे तौले नरोए होने दी कामना कीती। उनें अस्पताल प्रशासन गी हर मैडिकल स्हूलत उपलब्ध करोआने दे निर्देश दिते। मगरा मीडिया आलें कन्नै गल्ल करदे होई मंत्री सतीश शर्मा होरें गलाया.....(बाईट)

एहदे परैन्त मंत्री होरें इस कुदरती क्रोपी कन्नै प्रभावित लोकें दे जम्मू च घरें जाइयै दुख ते बसोस प्रगट कीता। एहदे इलावा ओह इस हादसे च जान मुहाने आलें दे खीरी संस्कार च बी शामिल होए।



## Janmashtmi

भगवान कृष्ण हुंदा जन्म ध्याड़ा “जन्माष्टमी” दा त्योहार अज्ज देश दे बाकी हिस्सें आहला लेखा जम्मू खिते च बी धार्मिक उत्साह ते श्रद्धा कन्नै मनाया जा रदा ऐ। बड्डलै थमां गै श्रद्धालु भगवान कृष्ण हुंदे बक्ख-बक्ख मंदरें च मत्था टेकन आवा रदे न। जम्मू दे बक्ख-बक्ख मंदर इस्कॉन ते होर बक्ख-बक्ख धार्मिक थाहर, शैल सनाहकड़े ढंगै कन्नै सजाये गेदे न ते भगवान श्री कृष्ण हुंदे जन्म ध्याड़े दा जशन श्रद्धा ते उत्साह कन्नै मनाने लेई पूरी चाल्ली त्यार न।



### **Prog. Announcement**

आकाशवाणी जम्मू दी क्षेत्रीय समाचार इकाई 15 अगस्त गी 79में स्वतंत्रता दिवस उप्पर, प्रधानमंत्री उन्दे राष्ट्र दे नां सम्बोधन उप्पर 30 मिनटें दी इक विशेष चर्चा कार्यक्रम आयोजत करा रदा ऐ। एह विशेष प्रसारण अज्ज दपैहरी साइडे 12 बजे प्रसारित होग। इस विशेष कार्यक्रम च साहडे परौहने होगंन वरिष्ठ पत्रकार अजत जम्वाल, जेडे इस विशे उप्पर अपने विचार सांढे करगंन। कार्यक्रम दी मेजबानी करगंन साहड़ी न्यूज एंकर, श्रुति खजूरिया। एह कार्यक्रम तुस Medium wave-303 मीटर यानि 990 किलो-हार्टज, FM 100.3 मेगाहार्टज ते FM 104.5 मेगाहार्टज उप्पर सुनी सकदे ओ।



### **Rana -FWD Village Visit**

जल शक्ति मंत्री जावेद अहमद राणा होरें इस गल्लै पर जोर देइयै आक्खेया ऐ जे जम्मू-कश्मीर सरकार दा मकसद दूर-दरेडे ते सरहदी इलाकें च समावेशी ते टिकाऊ विकास गी यकीनी करना ऐ। मंत्री राणा होरें एह गल्ल LoC कश Chakkan Da Bagh दे कोल अगेत्रे ग्रं Khari दे दौरै दौरान आक्खी। पुंछ च राष्ट्रीय झंडा चाढ़ने दे बाद मंत्री होरें Khadi ग्रं दा दौरा लाया ते उत्थे बन्ने पारा तना दौरान आई दी चुनौतियें बारें आकलन कीता। मकामी लोकें कन्नै गल्लबात दौरान मंत्री होरें भरोसा दोआया जे सरकार सरहदी इलाकें च रवा रदे लोकें कन्नै पूरी चाली खड़ौती दी ऐ ते उन्दी सब दिक्कतें ते परेशानियें गी दूर करने लेई वचने-बज्झी दी ऐ।



## Rana –Dialogue

जल शक्ति मंत्री जावेश अहमद राणा होंरें कल पुंछ च प्रमुख बुद्धिजीवियें, साबका अधिकारियें ते सिविल समाज दे सदस्यें कन्नै एक संवाद-सत्र आयोजत कीता। इस सत्र च जिले च शैक्षणिक बुनियादी ढांचे, स्वास्थ्य सेवार्यें ते समग्र विकास सरबन्धी कमियें उप्पर व्यापक चर्चा कीती गई। इस चर्चा च लोकें दे जीवन स्तर गी उबड़ा चुकने लेई विशेष तौरा पर दूर-दराज ते अविकसित क्षेत्रें च व्यवस्थागत सुधारें दी जरूरत उप्पर जोर दिता गया। सिविल समाज दे प्रतिनिधियें, नैतिक मूल्यें उप्पर आधारत एक संवेदनशील, समावेशी ते नैतिक मूल्यें उप्पर आधारित एक जिम्मेदार समाज दे निर्माण दे उद्देश्य कन्नै केंई रणनीतिक हस्तक्षेपें दा सुझाव दिता।



## CS-GI Tag

जम्मू-कश्मीर दी अनूठी सांस्कृतिक विरासत दी रक्षा ते एहदे कारिगरें ते उन्दी आजीविका बधाने दी दिशा च एक महत्वपूर्ण गेंह पुटदे होई मुख सचिव अटल डुल्लु होंरें कल उद्योग ते बणज-बपार विभाग गी केन्द्र शासत प्रदेश च G.I टैग आहले उत्पादें दा पूरा लाह चुकने लेई लक्षित योजनाएं तयार करने दा निर्देश दिता। G.I उत्पादें दी क्षमता गी उजागर करने दी रणनीति तयार करने लेई आयोजित एक बैठक दी अध्यक्षता करदे होई मुख सचिव होंरें इन्ने उत्पाद दे उच्च म्यार, प्रमाणिकता ते वैश्विक मान्यता यकीनी बनाने लेई सखल उपाएं दी

जरूरत पर बल दिता। G.I टैग आहली दस्तकारी हत्थखड्डी गी जालेसाजी शा बचाने लेई उन्दी विशेषतायें गी होर तगड़ा करने दे महत्व उप्पर जोर पांदे होई मुख सचिव होरें जम्मू-कश्मीर च परीक्षण सुविधायें गी बधाने दे निर्देश दिते।

<><><><><><>

### **Boxing Prodigy**

जम्मू-कश्मीर दा मान बदांदे होई राजौरी थमां 14एं बरे दे मोहम्मद यासर नै उत्तर-प्रदेश दे नोयडा च हाल च गै होई दी चौथी सब-जुनियर राष्ट्रीय मुक्केबाजी प्रतियोगिता च सुन्ने दा तगमा अपने नांह कीता ऐ। यासर दी एह उपलब्धि सब्भनें लेई प्रेरणा देने आली ऐ, कीजे गरीब परोआर दे इस बच्चें नै मुश्कलें दा सामना करदे होई, अपना ते अपने गां दा नां कमाया ऐ। यासर दी मां लोकें दे घरें च कम्म करियें अपने पुत्र लेई रोजी-रुट्टी कमांदियां न। राजौरी च “खेलो इंडिया”, Boxing Centre च सखेतरु यासर नै फाइनल च, मणिपुर थमां अपने प्रतिद्वंदी गी 52-55 किलो भार वर्ग च हराइयें सुन्ने दा तगमा हासल कीता। अपनी यात्रा बारे अनुभव सांझे करदे होई यासर होरें आक्खेया.....(बाईट)

<><><><><><>

### **DC- Poonch**

पुंछ दे डिप्टी कमीशनर अशोक कुमार शर्मा होरें बरसांत दौरान चान्न-चक्क हाड़ ते लास-पस्सियां ते होर दुए जोखीमें दे मददेनजर SDRF ते होर दुए विभागें दी तयारियें दी समीक्षा लेई इक बैठक दी अध्यक्षता कीती। DC होर सब्भनें SDMAं, तहसीलदारें, पुलस अधिकारियें ते SDRF

टीमें गी, फील्ड इकाइयें गी सक्रिय करने ते बरखा कन्नै सरबंधत घटनायें उप्पर फौरी तौरा उप्पर असरदार गेंह पुट्टने गी यकीनी बनाने लेई हाई-अलर्ट उप्पर रौहने दे निर्देश दिते। तहसीलदारें गी हाइ जां मौसम सरबंधी घटनायें दी रोजाना रिपोर्ट जमा कराने दे बी निर्देश दिते गे।

<><><><><><>